

# Fiasta populara della Romania a Lags 1956

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **43 (1957)**

PDF erstellt am: **25.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Fiasta populara della Romania a Lags 1956

Quella biala fiasta de tempra familiara, propi intima romana, ha giu liug ils 26 d'uost 1956. Ella ei vegnida tenuta a Lags oravontut per festivar igl 80avel anniversari de sgr. prof. dr. Pieder T u o r, il nestor della Romania, e quei che vala dapli: in dils paucs confundaturs survivents della Romania ch'ei oz aunc adina aschi giuvna e frestga sco avon 60 onns ch'ella ei vegnida fundada da Caspar D e c u r t i n s e ses paladins. Suenter la mort de Decurtins (1916) astg'ins bein dir che prof. Tuor seigi staus il protectur e principal animatur della Romania e ses fatgs. Perquei eis ei franc buca stau surfatg ded ir uonn a Lags cun la Romania!

Cun quella caschun han ins era seregurdau cun tutta raschun ed engraziament da Sur Flurin C a m a t h i a s, morts gia avon 10 onns e ch'ei, sco Tuor, medemamein staus sper la tgina della Romania.

Domisdus ein stai premurai e fideivels pertgiraders de quella stupenta poppa de tschels onns ch'ei carschida siado gronda e ferma matta-protectura della cultura sursilvana.

Lags ha fatg fiasta solemna e cun Lags ils Romanians tuts e l'entira populaziun romontscha datier e dalunsch. «Honor a tgi descha honor», vala aunc oz tier nus Sursilvans, cunzun per umens sco ils dus festiva: Camathias il p o e t e prof. Tuor il meriteivel r e d a c t u r e collaboratur digl Ischi duront onns ed onns.

Suenter la sincera ovaziun avon casa dil giubilar, han ins accumpignau el en carrotscha alla piazza festiva — ordavon la musica de Falera — fagend in paus avon casa paterna de Sur Flurin Camathias. Sin piazza cumina beneventescha Toni Solèr, il president dil comité d'organisaziun, igl undrau ed igl entir pievel romanian. Silsuenter conta il chor viril de Lags la canzun «Beinvegni alla Romania» ed allura suonda il plaid dil pres. della secziun studentica della Romania, sgr. Tumaisch Deplazes.

El center della fiasta populara stattan senza dubi ils plaids magistrals da sgr. cuss. naz. dr. Rudolf de T o g g e n b u r g, plaid d'undrientscha de coc e lamez ed il plaid dil plevon de Mustér, sur Fidel C a m a t h i a s, en pia memoria de nies grond poet Flurin Camathias. Omisdus han astgau raccoltar il meritau applaus.

Il giurist-poet de Glion, sgr. dr. Donat C a d r u v i, ha scret per quell'occasiun ina beinreussida «scena historic-giuridica» sin fundament d'ina publicaziun de prof. Tuor ch'ha plaschiu e legrau generalmein.

Dapli embelleschan la fiasta canzuns dil chor viril de Lags e marschs della musica de Falera che han medemamein capiu d'enramar sil pli bein «las scenas ord las ovras da Flurin Camathias: lavur cumina, il crap fraissen, igl um ed il pievel sco era ils affons d'Adam ed Eva.»

Il plaid presidial e final da sgr. Toni H a l t e r, pres. della Romania, sco auters plirs plaids occasionals, han allura terminau la fiasta d'undrientscha e còmmemoraziun.

A caschun della fiasta della Romania 1956 han ins era alzau silla sutga de commembers honoraris della Romania: Msgr. uestg de Cuera, Christianus C a m i n a d a e dr. Giusep C o n d r a u, oz president dil Cussegl nazional. Era per quels dus meriteivels romontschs-sursilvans vala: «Honor a tgi descha honor!» — La fiasta ei vargada, mo la regurdientscha vegn a restar!

Gm Ga

---

(Pli bia e pli detagliau mira: Gasetta Romontscha nr. 68 e 69, 1956 da sgr. Guido Condrau, sco era il «Bündner Tagblatt» dils davos dis d'uost 1956; «Talina» dell'entschatta sett. 1956 e «Quaderni Grigioni italiani» digl oktober 1956.)